

Peividem

05.05.2022

Dnr

TRAFICOM/415406/05.01.26.02/2020

Miärädäs čäcijotolâhlaavâ (782/2019) miäldásii kiäldu- já raijiittäsääšist

Iävtuttäs

Iävtuttäs tahhee

Aanaar kieldâ

Iävtuttäs pvm

7.9.2020

Iävtuttäs

Čäcijotteemniävvoim jotemân kyeskee 20 km/h liähturajiittäs já páruditemkiäldu Avveeljuuhân, Avveel siijdâst leijee vuojâmrido puotâ.

Vuáđustâlmeh

Iävtuttäs vuáđustâssân lii čäcivijđoduv torvolâšvuodâ pyeredem vuojâmrido vijdoduvâst.

Ääši kiedâvuššâm

Kulluuttem

Iävtuttäsâst lii kulluuttem já äššikirjeh láá lamaš uáinimnáál 4.2.-25.2.2022 koskâsii ääigi Traficom viermisijđoin. Iävtuttäs kullutmist lii almottum 2.2.2022 Inarilainen -nommâsii aavisist.

Pivdum ciälkkámušah

Iävtuttäsâst láá pivdum ciälkkámušah Laapi IPI-kuávdáast já Laapi poolislájádâsâst.

Finnejum ciälkkámušah

Laapi IPI-kuávdáa ciälkkámuš miel Avveel čuákkipääihist keesi vyeli- já koskâvirdim ääigi vuojâmriiddovijđodâh lii viijdes, čunoirido kobdodâh lii 450 m. Čunoirido puotâ čäcikuávlu kobdodâh lii 80-90 m. Avveeljuuhâ virded hitásávt vuojâmriiddovijđoduv puotâ. Jis vuojâmân kevtum čäcikuávlu uulât Avveeljuuvâ koskâlinje räi (40 m riddoost), te oovdeldpuáttee kárbái kuáhtáámân páácá 20-30 m vevli, ko váldá huámášumân 15 m määđhi vyejeid já 5 m määđhi nube pele riidon. Jis käärbis vuájá 20 km/h liävttoin vuojâdmân leijee ulmuu lappâd vuálá 15 m koskâin, feerim vuojâdeijeij ij lah IPI-kuávdáa uáinu miäldásávt pyeri.

Ciälkkámuš miel mätkei kárbá já vuojâdeijee tâi kyehti kárbá kooskâst kolgâččij lede 15 m, vâi muuneeld árvuštállum torvolâšvuotâ lii tuárvi pyeri oovdânpuohtum liävttoin. Iävtuttäs tiävdá IPI-kuávdáa mielâst käärzihit täid maadhijd. Vuojâmrido čäcivijđoduv torvolâšvuodâ puáhtá ciälkkámuš miel pyeredid, jis vuojâdmân uáivildum čäcivijđodâh sierrejuvvoo kievđâiguin já páluiguin. Vuojâmriiddovijđoduv stuáruduv keežild páluiguin raijim taan vuojâmriiddoost lii hástuláš.

Kárbái, čäciskootterij já vuoižâmriiddovijđoduv kevtteemereh láá pakkâpeeivij ääigi siämmáá-äigásávt stuárráh. Avveeljuuvâst kevttum kárbáh láá uceh – koskâstuárusiih kárbáh, main kárbismoottorij piävtuh ležeh 3-30 hv já ulmuuh joteh kuávlust meid čäciskootterijguin. IPI-kuávdáš kiäččá, et 20 km/h liähturajiiittâs lii ucánjáhháá olluv eidu vuoižâmriiddovijđoduv puotâ 300-350 m kukkoduvâst. Liähturajiiittâs kolgâččij miäruštállâđ ubâ raijiittâsvijđoduv kezimus saje já kriittisumos kuáhtámtilálâšvuodâ uáinust. Ubâ raijiittâskuávlv vijđodâh (1200 m) čäcijotoluv uáinust lii kuittâg nubesajasâš, talle ko vaarâtilálâšvuodâid lii viggâmin estiđ muuneeld. Čäcijotolâhlaavâ miäldásii raijiittâsvijđoduv ulmen lâš liähturajiiittâsáin pyerediđ vuoižâmvijđoduv já čäcijotoluv torvolâšvuodâ raijiittâsvijđoduv kezimus saajeest.

Ciäلكámušâst páhuduvvoo meid, et vuoižâmriiddovijđoduvâst láá maangálágán kevtteejuávuh, tego párnááh, nuorah já elilâm ulmuuh, kiäi ápálâšvuotâ árvuštállâđ vuoižâmvijđoduv čäcijotoluv kuáttá ij lah velthánnáá tuárvi pyeri. Ton lasseen puoh kárbáin jotteeh já čäciskootterij vyeijeih iä vyeje liähturajiiittâs miäldásávt. Vyeleeb liähturajiiittâs visásmit tuárvi vijdes já torvolii vuoižâmvijđoduv, mut ij eesti njyebžilis jotteem kárbáiguin já čäciskootterijguin. Torvolâšvuodâ pyeredem lasseen liähturajiiittâsáin puáhtá IPI-kuávdáš miel lâividiđ čäcijotoluv páruditem (riddoeroosio, kárbái skadâšume ruugâst), lâividiđ rido aassâmtááloid kuoddâšuvvee laarmâ sehe máhđulávt kepidiđ čäciskootterij laarmâ tovâttejee kevttimtäävi, pááruí vuástá skirviittâlân vyeijim. Raijiittâsvijđoduv merkkim lii vuáváámist oovdânpuohtum rijttájeeje vuovviñ. IPI-kuávdáš kiäččá, et iävtuttum 1200 m raijiittâsvijđodâhân 12-15 km/h liähturajiiittâs visásmit Avveel vuoižâmrido čäcivijđoduv torvolâšvuodâ toovâthánnáá stuárráb hemâdâs čäcijotolâhân.

Laapi poolislájádâs ciäلكámušâstis pááhud, et ciäلكámuš lii vuáđustállum. Ciäلكámušâst mainâšui, et lieggâ kesipeeivij vuoižâmriddo norá ennuv puohahasijđ päikkikodálijđ riidon já et párnááh láävejehe vuoižâđ juuvâ rasta. Ton tábáhtusâst liähturajiiittâs pyereed poolis uáinu miel kárbáin jottee máhđulâšvuodâid aiccâđ juuvâst vuojâdejee ulmuu. Siämmáánáál ovdeláá mainâšum suujâ keežild meid páruditemkiäldu lii ciäلكámuš miel vuáđustállum. Iävtuttâs páruditemkiäldum já 20 km/h raijiittâs pyereed poolislájádâs uáinu miel vuoižâmrido torvolâšvuodâ. Iävtuttâs tuárju tot, et čäcijotolâh lii lasanâm moonnâm ivij ääigi. Jieškote-uv uđđâ jotteemniävuh láá ittáám já čäcijeetij kevttim-uv lii Avelist lasanâm. Čäcijeetih kiävttojeh kesiiäigi eromâšávt Avveeljuuvâst, tondiet ko juhâvijđodâh lii suáijáb. Nuuvtpa raijiittâsah láá ciäلكámuš miel taan-uv aagâ uáinust vuáđustállum. Ciäلكámušâst páhuduvvoo, et raijiittâsah kepideh meiddei larmâhemâdâs.

Poolislájádâs ciäلكámuš miel iävtuttum raijiittâsvuáváámeh láá šievnáál vuáđustállum taan čäcivijđoduv eres kevttei torvolâšvuodâ pyeredem várás. Siämmâst meid pirrâsân moottoráin jottee čäcijotolâhkáálvuin šaddee larmâhemâdâs kiäppán taan sahâdávť assum paldâlâs kuávluin. Ton lasseen raijiittâsvijđoduv ulguubel pääcih poolislájádâs uáinu miel aaiabâs tuárvi čäcivijđoduvah, mooid vuávájum raijiittâsah iä šodâččii kuoskâđ.

Muštottâsah já eres ciäلكámušah

Iävtuttâs keežild iä kuodđum muštottâsah.

Miäradâs

Jotolâh- já viestâdemvirgádâh Traficom meerid čäcijotteemniävvoín jotemân kyeskee 20 km/h liähturajiiittâs já páruditemkiäldu Avveeljuuhân, Avveel siijdá vuoižâmrido puotâ lahtoskáártá miäldásávt.

Vuáđustálmeh

Čäcijotolâhlaavâ 101 § miel Jotolâh- já viestâdemvirgádâh puáhtá kieliđ čäcijotteemniävvo in jotteem meriááigán tâi tuáistáázân meridum čäcivijđoduvâst tâi raijiđ tom, jis kiäldu tâi raijiittâs kiäččoo taarbâšlâžžân jotoluv, pirrâs, kuálastem tâi monnii eres iälättâs suojim tiet teikkâ almolii luándu virkosmittemkiävtu tâi mottoom eres almolii hiäđu tiet. Ton lasseen čäcijotolâhlaavâ 102 § 4 moomeent miel: "jis kiäldu tâi raijiittâs meriduvoo kieldâ iävtuttâs keežild, te tom kalga meridiđ iävtuttâs miäldásávt, jis iävtuttâsâst spiehâstem ij lah taarbâšlâš aalmugjesâni j täsipiälâsii kohtâlem tâi kuávlulii oovtâhámásâšvuodâ tiet teikkâ mottoom eres eromâš suujâ tiet."

Jotolâh- já viestâdemvirgádâh kiäččá, et kieldâ iävtuttâs miäldásâš 20 kilomeetter tijmeraijiittâs lii taarbâšlâš vuojâmrido čäcivijđoduv torvolâšvuodâ pyeredem várás, luándu almolii virkosmittemkiävtu sehe almolii hiäđu tiet. IPI-kuávdáá uáinusân luptim, vuojâmrido torvolâšvuotân kyeskee huoláid lii tuoivân västidiđ tienuuvt, et vijđodâhân meriduvoo páruditemkiäldu. Jotolâh- já viestâdemvirgádâh kuáđá kieldâ pargon suogârdállâđ vuojâmrido vijđoduv merkkim čäcijotolâhlaavâ 87 § miäldásij merhâiguin váruttâsâin vuojâmsaajeest, moh kolgâččii lasettiđ kârbáin jottei huolâlâšvuodâ ton vijđoduvâst.

Spiehâstuvah kiäldust tâi raijiittâsâst

Miärdâs ij kuoskâ virge-, vuosâtipšo- já piäluštempargoi porgâm várás, Piäluštemvuoimij tooimâ visásmitem várás sehe eres ton västideijee suujâ keežild velttimettum čäcijotteemniävvo in jotemân.

Vuáimán šoddâm

Miärdâs šadda vuáimán 31.8.2022 räajist máhđulii nubástus ucâmist peerusthánnáá já lii vyeimist tuáistáázân. Nubástusuuccâmvirgeomâhâš puáhtá kuittâg kieliđ miärdâs olášuttem.

Merkkim enâdâhân

Miärdâs merkkejuvoo lahtosin leijee káártást oovdânpuohtum vuovvi jn. Merkkiimist västid Anaar kieldâ.

Miärdâsâst kulluuttem

Traficom tieđeet taan miärdâsâst kulluuttâssâin Traficom viermisiiđoin (Ajankohtaista > Kuulutukset ja yleistiedoksiannot).

Miärdâs tiättun adelem

Vevlivirgádâh
Anaar kieldâ

Almottâs miärdâsâst

Laapi iälättâs-, jotolâh- já pirâskuávdáš
Laapi poolislájádâs

Lasetiäđuid addel

Anna Mesimäki

Puh. 029 534 6163

Šleđgâpostâ: anna.mesimaki@traficom.fi

Máksu

Taan miärdâsâst piärröo iävtuttâs tahhest jotolâh- já viestâdemministeriö nanodem taksai miäldâsâš 570 euro stuárusâš máksu.

Heiviittum asâttâsah

Haldâttâhlaahâ (434/2003) 11 §, 62 a §

Čäcijotolâhlaahâ (782/2019) 54 §, 101-104 § já 133 §

Jotolâh- já viestâdemministeriö asâttâs Jotolâh- já viestâdemvirgâdov jotolâhân kyeskee mávsulijn čodâldâsâin (1452/2019) 2 § já lahtos

Nubástus uuccâm

Ääšiuásáliih, kiäi vuoigâdvuotân, hiätun tâi kenigâsvuotân äšši kuáská, uážžuh uuccâđ nubástus taan miärdâsân vatâmáin miärdâs njuolgim Traficomist.

Lahtosin láá njuolgimvátámušravvuuh.

Lahtoseh

Njuolgimvátámušravvuuh

Kárttávááldus